

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 34/03 i 65/13) i člana 6. stav (1) Odluke o uslovima, kriterijima i postupku imenovanja u regulirane organe ("Službeni glasnik općine Srebrenik", broj 3/2019 i „Službeni glasnik Grada Srebrenik“, broj: 1/2020), na prijedlog Službe za poduzetništvo, lokalni razvoj i investicije, Gradsko vijeće Srebrenik o b j a v l j u j e:

**JAVNI OGLAS
ZA IZBOR I IMENOVANJE NADZORNOG ODBORA
JP "VETERINARSKA STANICA" D.O.O. SREBRENİK**

Objavljuje se Javni oglas za izbor kandidata za imenovanje članova Nadzornog odbora JP "Veterinarska stanica" d.o.o. Srebrenik, čiji je osnivač Grad Srebrenik. Nadzorni odbor JP "Veterinarska stanica" d.o.o. Srebrenik broji ukupno 3 (tri) člana: predsjednik i dva člana Nadzornog odbora.

I Opis pozicije

Nadzorni odbor JP "Veterinarska stanica" d.o.o. Srebrenik nadležan je da:

- nadzire rad uprave i poslovanje preduzeća,
- usvaja etički kodeks,
- razmatra provedbeni propis za postupak nabavke i nadzire njegovo provođenje,
- predlaže raspodjelu i način upotrebe dobiti i način pokrića gubitaka,
- imenuje i razrješava direktora preduzeća u skladu sa postupcima utvrđenim u važećim propisima,
- daje ovlaštenja za aktivnosti koje su ograničene Zakonom o javnim preduzećima,
- daje upute direktoru za provođenje preporuka u vezi sa uočenim nepravilnostima,
- podnosi osnivaču godišnji izvještaj o poslovanju preduzeća, koji obavezno uključuje izvještaj revizora, izvještaj o radu nadzornog odbora, odbora za reviziju i plan poslovanja za narednu poslovnu godinu,
- usvaja izvještaj uprave o poslovanju po polugodišnjem i godišnjem obračunu sa bilansom stanja i bilansom uspjeha i izvještajem revizije,
- odobrava kupovinu, prodaju, zamjenu, uzimanje na lizing i druge prenose imovine, u obimu većem od 30% knjigovodstvene vrijednosti ukupne imovine preduzeća jednoglasnom odlukom svih članova nadzornog odbora,
- usvaja normativna akta preduzeća,
- predlaže izbor kandidata odbora za reviziju, nakon provedenog javnog konkursa za izbor,
- daje mišljenje osnivaču o prijedlogu uprave za raspodjelu dobiti,
- obrazuje i imenuje privremene komisije i utvrđuje njihov sastav i zadatke,
- vrši i druge poslove utvrđene zakonskim propisima i statutom preduzeća.

Predsjednik Nadzornog odbora saziva i rukovodi sjednicama Nadzornog odbora, stara se o pripremi materijala za sjednice Nadzornog odbora, o izvršenju akata Nadzornog odbora i obaveza prema osnivaču, te obavlja i druge poslove utvrđene zakonom, statutom i drugim aktima preduzeća. Član Nadzornog odbora prisustvuje sjednicama Nadzornog odbora, učestvuje u radu i donošenju odluka Nadzornog odbora, te obavlja i druge poslove utvrđene zakonom, statutom i drugim aktima preduzeća.

Mandat predsjednika i članova Nadzornog odbora je četiri godine uz mogućnost ponovnog imenovanja.

Konačno izabrana lica u Nadzorni odbor imat će pravo na naknadu za rad u reguliranom organu, a u skladu sa važećim propisima.

II Uslovi za imenovanje

Kandidati koji apliciraju za poziciju iz tačke I, ovog Oglasa moraju ispunjavati sljedeće opće i posebne uslove, a kako slijedi:

A. Opći uslovi

1. da su državljani Bosne i Hercegovine,
2. da su stariji od 18 godina, a ne stariji od 65 godina na dan imenovanja,
3. da nisu osuđivani za krivično djelo i za prekršaj nespojiv s dužnošću u nadzornom odboru pet godina od dana pravosnažnosti presude, isključujući vrijeme zatvorske kazne,
4. da im nije pravosnažnom presudom suda zabranjeno obavljanje aktivnosti u nadležnosti nadzornog odbora,
5. da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja Oglasa,
6. da se na njih ne odnosi član IX.1 Ustava Bosne i Hercegovine,
7. da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine, („Službene novine FBiH“ broj: 12/03, 34/03 i 65/13);
8. da nisu članovi organa zakonodavne, izvršne i sudske vlasti ili savjetnici u smislu Zakona o sukobu interesa u organima vlasti Federacije Bosne i Hercegovine („Službene novine Federacije Bosne i Hercegovine, broj: 70/08);
9. da nemaju privatni i/ili finansijski interes u instituciji u kojoj se kandiduju.

B. Posebni uslovi:

1. VSS – VII stepen, završeno visoko obrazovanje prvog, drugog ili trećeg ciklusa Bolonjskog sistema studiranja (sa najmanje 180 ECTS bodova);
2. da ima najmanje tri godine iskustva u struci nakon sticanja visoke stručne spreme;
3. da nisu članovi upravnog ili nadzornog odbora, odnosno odbora za reviziju nekog drugog privrednog društva ili institucije;
4. da posjeduju certifikat o završenom usavršavanju izdat od strane nadležnog organa, a u skladu sa važećim odredbama Uredbe o usavršavanju predsjednika i članova nadzornih odbora i uprava privrednih društava sa učešćem državnog kapitala Vlade Federacije BiH (ukoliko izabrani kandidat ne posjeduje gore navedeni certifikat dužan je u roku od 6 mjeseci isti pribaviti);

III Potrebna dokumenta

Pismene prijave sa kraćom biografijom kandidata treba da sadrže adresu stana, kontakt telefon, te dokaze koji se prilažu uz prijavu na Javni oglas u originalu ili ovjerenoj fotokopiji i to:

- uvjerenje o državljanstvu (ne starije od 6 mjeseci),
- izvod iz matične knjige rođenih,
- dokaz o stručnoj spremi,
- dokaz o radnom iskustvu,
- ovjerenu izjavu o ispunjavanju uslova navedenih pod tačkom A pod rednim brojem 5. do 9., te u tački B pod rednim brojem 3.

IV Dodatna pojašnjenja

Javni oglas će biti objavljen u "Službenim novinama Federacije BiH", Dnevnom listu "Oslobođenje", te na web stranici Grada Srebrenik, a bit će otvoren 14 dana od dana objavljivanja, računajući od dana posljednjeg objavljivanja.

Prijave sa potrebnom dokumentacijom mogu se dostaviti lično putem pisarnice Grada Srebrenik ili preporučenom poštom u zatvorenim kovertama na sljedeću adresu: Grad Srebrenik, Služba za poduzetništvo, lokalni razvoj i investicije, Ul. Varoških polja b.b., 75350 Srebrenik (sa naznakom: "Prijava na Javni oglas za izbor u Nadzorni odbor JP "Veterinarska stanica" d.o.o. Srebrenik - ne otvarati".)

Sve prijave koje stignu u propisanom roku pregledat će Komisija za izbor u regulirane organe.

Komisija za izbor u regulirane će pozvati na intervju sve kandidate koji uđu u uži izbor, te na zahtjev Komisije, kandidati koji uđu u uži izbor dostavit će podatke o određenom broju svojih ranijih neposrednih rukovodilaca od kojih se mogu dobiti informacije o kandidatu.

Nakon intervjua, Komisija će sačiniti rang listu kandidata koji ispunjavaju uslove i kriterije za imenovanje i istu sa izvještajem dostaviti komisiji Gradskog vijeća za izbor i imenovanje na dalje postupanje. Kriteriji iz prethodnog stava propisani su Odlukom o uslovima, kriterijima i postupku imenovanja u regulirane organe, koja je objavljena u Službenom glasniku Općine Srebrenik broj: 3/19 i Službenog glasniku Grada Srebrenik broj: 1/20, a koji glasnici su objavljeni i na službenoj web stranici: gradskovijece@srebrenik.ba.

Nakon konačnog imenovanja u smislu Zakona o ministarskim, vladinim i drugim imenovanjima, zainteresovana stranka, ako smatra da u procesu imenovanja nisu ispoštovani principi utvrđeni navedenim Zakonom, može podnijeti prigovor.

Prigovor se podnosi Gradskom vijeću Grada Srebrenik, kao odgovornom javnom službeniku u smislu navedenog Zakona o ministarskim, vladinim i drugim imenovanjima, a kopija prigovora se dostavlja Ombudsmenu za ljudska prava Bosne i Hercegovine.

Neblagovremene i nepotpune prijave neće se razmatrati.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
Gradsko vijeće

PREDSJEDAVAJUĆI
GRADSKOG VIJEĆA

Broj: 01-226/21
Datum: 17.05. 2021. godine

Mato Matijević, s.r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine FBiH", broj: 49/06 i 51/09), člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine F BiH" broj: 34/03 i 65/13), člana 9. Privremene statutarne odluke Grada Srebrenik ("Službeni glasnik Grada Srebrenik" broj: 1/19 i 5/20) i člana 6. stav (1) Odluke o uslovima, kriterijima i postupku imenovanja u regulirane organe ("Službeni glasnik Općine Srebrenik" broj: 3/19 i "Službeni glasnik Grada Srebrenik", broj: 1/20), na prijedlog Službe za poduzetništvo, lokalni razvoj i investicije, Gradsko vijeće Srebrenik na 3-oj redovnoj sjednici održanoj 17.05.2021. godine, donijelo je:

O D L U K U

o objavljivanju Javnog oglasa za izbor i imenovanje Nadzornog odbora javnog preduzeća
"Veterinarska stanica" d.o.o. Srebrenik

I

Ovom Odlukom se utvrđuje potreba objavljivanja Javnog oglasa za izbor i imenovanje Nadzornog odbora J.P. "Veterinarska stanica" d.o.o. Srebrenik.

II

Javni oglas iz tačke I ove odluke, koji je sastavni dio ove odluke, objavit će se, u skladu s važećim propisima, putem nadležne gradske službe za upravu, u "Službenim novinama Federacije Bosne i Hercegovine", Dnevnim novinama "Oslobođenje" i na službenoj web stranici Grada Srebrenik.

III

Odluka stupa na snagu danom donošenja, a bit će objavljena u Službenom glasniku Grada Srebrenik.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
- Gradsko vijeće -

PREDSJEDAVAJUĆI
GRADSKOG VIJEĆA

Mato Matijević

Broj: 01-226 /2021

Datum: 17.05 2021. godine

Obrazloženje

I Pravni osnov

Pravni osnov za donošenje Odluke nalazi se u propisima navedenim u preambuli Prijedloga Odluke.

II Razlozi da donošenje

Gradsko vijeće je osnivač JP „Veterinarska stanica“ d.o.o. Srebrenik, te kao osnivač, prema važećim propisima, ima prava i obaveze, između ostalog, vršiti imenovanja i razrješenja u navedenom reguliranom organu. Pošto je istekao Nadzorni odbor JP „Veterinarska stanica“ d.o.o. Srebrenik sa 30.11.2020. godine, o čemu je obavijest dostavljena Gradskom vijeću i Gradonačelniku od strane Nadzornog odbora tog Preduzeća 14.01.2021. godine, tu su stečeni uslovi da se imenuje novi Nadzorni odbor u propisanoj proceduri, tj. da se donese odluka o objavljivanju Javnog oglasa za izbor i imenovanje Nadzornog odbora tog Preduzeća.

Imajući u vidu gore navedeno, predlaže se Gradskom vijeću da donese predloženu odluku, kako bi se sprovela potrebna procedura za izbor i imenovanje Nadzornog odbora navedenog Preduzeća.

OBRAĐIVAČ

Služba za poduzetništvo, lokalni razvoj
i investicije

PRIJEDLOG

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine ("Sl. novine FBiH", broj: 12/03, 34/03 i 65/13), člana 9. Privremene statutarne odluke Grada Srebrenik ("Sl.glasnik Grada Srebrenik", broj: 1/19 i 5/20) i člana 15. Odluke o uslovima, kriterijima i postupku imenovanja u regulirane organe ("Sl.glasnik općine Srebrenik" broj: 3/19 i "Službeni glasnik Grada Srebrenik", broj: 1/20) na prijedlog Gradonačelnika, Gradsko vijeće Grada Srebrenik na sjednici održanoj 2021. godine, donijelo je:

R J E Š E N J E

o privremenom imenovanju Nadzornog odbora JP "Veterinarska stanica" d.o.o. Srebrenik

I

U Nadzorni odbor JP "Veterinarska stanica" d.o.o. Srebrenik privremeno se imenuju:

1. – predsjednik,
2. - član,
3. – član.

II

Mandat licima iz tačke "I" ovog Rješenja traje do okončanja postupka izbora novih članova Nadzornog odbora, a najduže 3 (tri) mjeseca od dana imenovanja.

III

Predsjednik i članovi Nadzornog odbora imaju pravo na mjesečnu naknadu u skladu sa važećim Odlukama osnivača (Gradskog vijeća), a isplaćivati će se iz sredstava Javnog preduzeća "Veterinarska stanica" d.o.o. Srebrenik.

IV

Ovo rješenje stupa na snagu danom donošenja, a objavit će se u "Službenom glasniku Grada Srebrenik".

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
Gradsko vijeće

PREDSJEDAVAJUĆI
GRADSKOG VIJEĆA

Mato Matijević

Broj: 01- /21
Datum, 2021.godine

O b r a z l o ž e n j e

I Pravni osnov

Pravni osnov za privremeno imenovanje Nadzornog odbora u J.P. "Veterinarska stanica" d.o.o. Srebrenik nalaze se u odredbama propisa navedenih u preambuli prijedloga rješenja.

II Razlozi donošenja

Gradsko vijeće je osnivač J.P. "Veterinarska stanica" d.o.o. Srebrenik, te kao osnivač, prema važećim propisima, ima prava i obaveze, između ostalog, vršiti imenovanja i razrješenja u navedenom reguliranom organu.

Pošto je istekao mandat nadzornom odboru J.P. "Veterinarska stanica" d.o.o. Srebrenik sa 30.11.2020. godine, o čemu je obavijest dostavljena Gradskom vijeću i Gradonačelniku od strane Nadzornog odbora tog Preduzeća 14.01.2021. godine, to su stečeni uslovi da se imenuje novi Nadzorni odbor u propisanoj proceduri.

Imajući u vidu, prema važećim propisima, da procedura imenovanja zahtijeva određeni vremenski period (raspisivanje javnog oglasa, razmatranje prijava kandidata na oglas, utvrđivanje prijedloga i sl.), a da je istekao mandat Nadzornog odbora imenovanog 30.11.2016. godine Rješenjem Općinskog vijeća broj: 01-463/16 od 30.11.2016. godine ("Sl. glasnik općine Srebrenik" broj: 6/2016), te su se stekli uslovi da se primjenom propisa navedenih u preambuli prijedloga Rješenja izvrši privremeno imenovanje do završetka redovne procedure po Javnom oglasu.

Iz navedenih razloga predlaže se Gradskom vijeću da donese predloženo rješenje.

OBRAĐIVAČ

Služba za poduzetništvo, lokalni razvoj
i investicije

